

Imacehual chichimecatl ton tiego tlacuilolxile ypanonea anqui yeoncan aya yequellalmizquiltl ymanican yeitlan aya on neyacalhuilotoc y yao hueya hueyao.

Yeipetlapan yehuan dios nihuallayocoya yeni Mexicatl niqumilnamiqui in tepilhuan teteuctin aya o quiz teuctli coayhuiltl to xihuan y yao &.

Maoc xoncuicaya çantixochi otomitl atlancatepetitlan o çan timoyehyeetitine-mi tic cohua moahlapal ichan Dios incatli in teuctlia coayhuiltl in don Joan inçan ycaya on nehuihua inteucyotl mahuiçotl y yao &.

Intlaca ayoppatihua a in Mex.^{co} y nemo ayao con nequia toyollo tlapapal xochitl yhuan in cuicatl mochalchiuh omichicahuaz ompa ienoyohua moyolio oy yao hueya hueyao.

Inhuelxon mihtotihtiuh çanticuicanitl huiya intlaçotlian chalchihuitl coneuhua chichimeca tlaxcalteca aya huey ya ohtli ypan y onehchatacah popolocah aya in acaxochitl neneliuhtimania atliaytempan aya y yao &.

Yequetzalpanitl moyahuaya iconmihtotian ayntocnihuan Tlaxcalteca aya hueya ohtlipan &.

5.

Mantlatlauhtilonican ycelteotl in Dios ypaltianemi in totomihtotomi meyo. Quento conmocaquiltiaoo ynicelteotl in Dios ypaltianemi y totomihtotomi meyo.

Matahui in matahui mayhtohuaya nianahuac oncaquizti moxochi huehueuh titlatohuanio don diego tehuetzquiti teuctli onetotilonican yn yancuic tlapano tihuexi axabo axaconttaya maya netlamachtilo ya mittotia espayolti mittotia in Mexica nyanquictlalpano oti huexi axao axancontaya.

Tlaxicaquican ano otomi antocnihuan tlanelaço chalchihuitlon manella çoquetzalli caçan ontlapaniço oncan çanpoztequiz y aya oyao huia ayao ya huia ohuiya.

Titotoliniao tletitocuepazqueo atitomiqitlani nicanj ayac tetl mocuepazo o ayac quahuiltl mocuepaz nicanj ayao ya ohuia aya o ya huia ohuia.

Çan huelachitzinca on hualpalehuilo in Dios intlalticpac yenica catlilaca-huepano o? catli cuitlachihuitlon anahuacatl aya caypampa miqeon in Dios maoyaque o in Dios maoyaqueon motlamachtitihui oo.

In macanquennel aya huelitlaçohuanon in Dios y mexica intepilhuan maoyaqueo motlamachtitihui anayahuio maoyaqueo motlamachtitihui o.

CHALCACIHUACUICATL.

Inlatlalil chalca ic qui mopapaquiltico in tlatohuani in Axayacatzin canoço yehuatzin oquimmopehuili in maçan cihuatzitzintin.

Toco tico tocoti, toco tico tocoti, toco tico tocoti.

Xan moquetzacan oo an nicutzitzinhuan aye ton huian ton huian tioxchite-mozque he, ton huian ton huian, tioxchitehtequizque nican mania nicanmania tlachinol xochitl y oo chimallixochitl y teihicolli huetetlamachti yao xochitla o ohuiya.

Yeetliyan xochitl y yehuaya manocpac xochiuh, maicinapana nepapani no-xochiuh ayanichalcatl niehuatl ahua y yao ohuaya.

Nic nehnequi xochitl nic nehnecon cuicatl ay tzin in totzahuayan intoyeyeyan oohuaye noconehehtica yeuic intlatohuani Axayacaton nicxochimalina nicxochilacatzohua oo ahuyao ohuiya.

Aihquintlacuilolli yeetliya incuic iuhquin huelic xochitl ahuiac ano yolquimati intlalticpac ahuyao ohuiya.

Tlemach ypan nicmati motlatoltzin noyecoltzin taxayacaton tlan conahuhilti aylili aylilililih ii olotzin ololo ay yaye ay yo &.

Çan nictocuil ehulia çanniquixhuia ho oo yee tlanconahuilti &.

Cotiti totototo cotiti totototo.

Xolo xolotzin titlahtohuani taxayacaton ohuiya neltoquichtli izmaconel titlayh-tolli; cuix nelahoctiquahquahuitiuh ay ye xoconquetzan nonexcon cencaniman *xocontoquio* chalcotlatolli..... g. n. xitlatlati.

Xiquil cuio xiqualeui ynompacoo xinec hualhnacoo in co netzintli texon tlatehteca tihuan ton huehuetztozque tzonotonpaquiz tompaquiz paquiz tzone nic-tlatla machihuaz oo.

Macamo maca macanotlaximayahui xolotzin titlato huani axayacaton y ya oçoninicuilo y cuecuetzoca yenomaton o ayee yenocuel yenocuel tietzitzizquizequi in mochichihualtzin achin noyollotzin huiya nyehaahaçomo nehuan ticmitla cal-huiliz nonehecuilol huiya tzonotiquitztoz xihquechol xochitico ohuaye nihtic nimitzonaquiz on cayetoz motenchalcohtzin nimitzmacochihuiz.

Inquetzalizquixochitl inyetlahuquechol cacaloxochitl y çan moxochiquach petlapan tiyaonoc yeoncan ytic y yyo y yo aocmohui yao ay lili.

Teocuitlapetlatl ipantiyaonoc quetzaloztoalco tlacuilolcalitic y yo yio aoc-mohui yao ay lili.

Anquico yeichan yenontlayocoya tinonantz in ahço huelnitzahua ahçohuelnih-quitia çanen caniconetl tzonicihuapilli ynic nihtolo yn noquichua can yao.



Tetlatlahuelcauh teyollocococan intlaltiepac inquen manon nontlahtlayocoya ninotlahuelnequi nonéxiuhtlatilco nic hualihtoa cue conetl manoce nimiqui yia o.

—
Toco tico tocoti toco tico tocoti toco tico tocoti.
—

Yacuenonantzin nonantlaocolmiqui oyenican yenoquich vacan ahuelniquitia in malacatl ahuel nocontlaça in notzotzopaz nocatimoquelo noconetzin yao ohuiya.

Auhquennel noconchihuaz cuix yhuichimalli yeanemanalo ixtlahuatl itic ni-nomah mantaz a ayia ooo nocatimoquelo noconetzin ohuiya.

Xolotzin noconetzin titlahtohuani taxayacaton çantimonenachuan no huictimomahmanaya tonmoquich yttohua o ohuaye cuix non matiya opan niqumiximati ye moyaohuan noconetzin çantimo Nencahua no huic ohuiya.

Matehticihuatini ahçonelabticyecoz iniuhqui chahuayotl ynixochitzin ynicuicatzin noconetzin yiao.

Aoquichpilli not.^o titlahtohuani taxayacaton onoçotonpeuh yenotiqualani xolotzin yenoniauh in no chan noconetzin yao ohuia.

Ancaço can nicantinech nahualan yectliticchiuh yemotlatoltzin izinax cantlahuanquetl, maçotehtitlahuauquetl ahçononetlaca machon tochan y yao ohuiya.

Cuixnoço tinechcouh tinechmohui noconetzin cuixtlapahpatlaco na huihuan yenoflahuan çaçotictlacanequi yenotiqualani xolotzin yenoniauh in nochan noconetzin y yao ohuiya.

—
Tocotico tititi tocotico tititi tocotico tititi.
—

Tiniuetzin tcihuatlamacazqui maxontlachia ynomach moman cuicatl incohuatepec in quauhtenampany topan moteca Panohuayan ohuaya yiaho.

Çonocihuayo ninaytia noyollotzin mococohua achquennel noconchihuaz yhuan noquichtiz o maçoc cenca ye in cueye yein huipil in toquich huan in toyecolhuan y ya ho ohuiya.

Xiqualexixti nonextamal in titlahtohuani Axayayacaton tlaçenimitz manili neoc in noconeuh neoc in noconeuh xoconahuiltixic tocuilehuili olotzin ololo ayye ayyo.

Açotiquauhtli tocelotl in timittohua noconetzin ohuia açomoyaohuan in huicti cuecuenoti meoc in noconeuh xocon ahuilti &.

Ayatle nocue ayatle nohuipil nicihuatzintli yehuayanican quimana coyectli yeineuic nican quimanaco chimalli xochitl quenmach tontlaca yenichalcacihuatl nayoquan ohuia.

Niquimelehuia nocihuapohuan inacolhuaque niquimelehuia yn nocihuapohuan tepaneca quenmachtontlaca yenichalcacihuatl nayoquan &.

Capinauhticate in chahuahuilo noconetzin yhuia cuixno iuhtinechihuaz inoiuh toconchiuh inquauhtlatohuatton maçaço yhuian a ximocuetomaca ximomaxahuican Antlatilolca inamiyaque aay ayya xihuallachiacan nican chalco ahua y ya ohuiya.

Maninopotoñi tinonantzin maxinexahuaoo quen nechittaz innoyecol ymixpanontonquicatihuh alçaomihicoltiz ye ohuexotzinco xayaca machan ohuia.

Quenami in cuicatl ehualo in cuicoya o inquauhquecholli ançaomihicoltiz ye huexotzinco xayacamahchan ohuia.

Intetz molocan nicihuatl ninomaoxihuia ninoc xioxihuia nocon acico yench aie yench huipil nicecentlamitaz aytzin ay aytzin &.

Niquimelehui xaltepetlapan yehuexotzinca tzoin cuetlaxtlamalintzo incuetlax tetecue cuex nic cezentlamittaz aytzin ay aytzin y yao &.

—
Tocotico, tocotico, tocotico, tocotico, tocotico.
—

Y quenoc çan intlamati nechmitlania in conetl intlahtohuani in Axayacaton cuee tleon in maici tepalnochahuatlalia oohuaye nocatitlaomepiaz noconetzi ahço iuhquinequi moyollo maço hui huian mociahuan y yao ohuia.

Cuix ahmoyollocopa noconetzin yetoconcalaquia in chahuayotl ynic mochan ahay ay oho ahçoiuhquinequi moyollo &.

Quen mach in tinechiuh noyecoltzin ay ye macaoc ic ximochi chihuan hue-lahtitlacatl tlein tic nenelo yenoyollotzin tiexochimalina yemotlatol y yao ohuia.

Notzahuayan nimitzittoa i nihquitian ni mitzilnamiqui xolotzintleintic nene-lo yenoyollotzin.

—
Tocotico, tocoti.
—

Nahuil ylama namonan nicahual ylama nichpochylama ypan nochihua o nichalcotlacatl aha aili nimitzahuiltico noxochinenetzin noxochicamopalnenetzin yya hoohuia.

Yenoquelehuia intlatoa ni in Axayacaton xiquallitta nóxochitlacuilolmaton xiquallitlanoxochitlacuilol chichihualtzin oohuia.

Macaçocan on nen huetziuh yemoyollotzin taxayacaton izcayemomatzin manomati tech xinechonantiuh aa yyaha yia hoxonahuiacan &.

Moxochin petlapan moyeyeyan xolotzin y huian xoncocochi xon ya yamani noconetzin titlatohuani taxayaca yao ohuaya.

HUE HUEH CUICATL.

Yeconahua intlatohuani axayaca ynahueloquinpeuh in Michuaque canoço tlaximaloyan in hualmocuep auh amoçan quexquiechtin inpipilti in tlacahuan ynumpa omique, cequintin çan hualcholoque ic çan in huehuetiliz y nahmochi-cahuac y tech motlamia in cuicatl yequimahua huehuetlacatl intlatohuani chichicha.

Tico tico tico tico tico tico tico tico tico.

foca ompatla-
toanintoca om-
panomiquitque
tlacahuan. Techtlahuan canotzque in Michhuacan in ¹camaco¹yahuac tihuitz-
manato yetimexica tihihuintiqueo quen man inticauhque in ²qua hue-
huetzin yaotzin y yao ohuiya.

Quenmach in mochiuhque in Mexico in huehuetque xoxocomique aocacquittoa inyetiquinque queça ylamatzitzin chimalpopoca in Axayaca yio hahue yeticauh-que y mamocolto cacamaton y yaon ohuiya.

Tlahua noyan nontlacactica namocolton mononotztoque quauh huehuetque in tlacaelel cahualtzin quil mach aconihque iachcahuan concauhtiquizque teuh-tliyeuayan Mich vacan y yao &.

Ançoço oncan temactlanque cuecuxteca in tlatilolca noxhuihuan in çaquanzin yn ye tepantzin cihua cuecueltzin intzontecon yea ymelchiquihyca onteach-titoa xicaquican huee.

Cototi, cototi, cototi, cototi, cototi, cototi, cototi.

Tleinyequichihua in tequihuaque aocmomicitlani aocetla maznequi inoquimitaque in yaohuan ymixpan pahualehua teocuitlalpepetzcatihuitzi çaquetzalpanitl y tlaxopalehuaya huiya amech ana hui ma amotzin ya xontlaçacan huee.

In macayehuantin telpopotzintinyehuan tlamacaznequi intlacaye huan y ancaçaoquic tiquauh chocazque Ancaçaoquic tocelo chocazque intiqua huehuet-que huiya amechana hui maamotzin ya xon tlaccacan huee.

Yio yahue yaonotlahueliltic in Axaya cuixyeno huehuevo inin netlaloliz in noquapilhuan huee.

Ayn macayehuatl in noxhuiuh can namech cahuzquia xochitl mantiuh huee icamomaquixtia in huitznahuatl yaotl huee.

Tico & chicopa.

Ahooyehee onontotolcatoc nontlatlatlaztoc, nonchichichatoc in namocolton in Axayaca huee.

Maximotlalican inantequihuahque amiyahque maytlecax ypan anhualcholo-tin an motlatizque ica an huetzi y chiquacol ynamocolton in Axayaca huee.

Ceçappa tetlaocoltehuetzquiti in yequichihua in yemexica noxhuihuan in omoxinque in mahuitica yniman ic onhuehueti y yeyahue chimalli xochitl tomac ommania huee.

Auh in nelli mexicana in noxhuihuan cecentecpantica oontecpantica in huehueh-titihuiy y yo yahue chimalli xochitl tomac ommania.

Oc nochicopa, tica &.

Quauhpetlapan ocelopetlapan onehuatica ina mocol in Axayaca contlachinol pipitztica ynitlecatzin mahuel yhuiquentelpopocatica huee.

Ohuaye ay ye aic cehuiz in chimaltica conehepehuitica tlacochtica in quixelotica ynitlecatzin manel yhuiquentel popocatica huee.

Inoc ton nemi huee tamocolhuan y patlahuac in fatlahu in totlacoeh ictiqui mahuiltique in tonahuac onoque huee.

Tlacaço ayaxcan in huehuetihua tlacaço ayaxcan in huehueyotl çan yenica ninochoquilia namocol y naxayaca niquimilnamiqui no huehue icnihuan in cuepanahuaz, in tecale, in xochitlahuan, in yehuaticac maceme nican hualquiçacan cecenteuclipan momatico tinican chalco huee.

Quecizqui inquincuitihuetzi oyohualli yehuaya huee yequecizqui yncamila-catzoa teuhliye huaya huee.

Oho ehe çanamocanihueuetzca namocol an mocihuatlauiz an mocihua chimal tequihuaque huee çaiuh xinencan huee.